



# 1<sup>st</sup> Tâi-gí Lô-má-jī Thia<sup>n</sup>-siá Pí-sài

## 2019 第 1 屆台語羅馬字聽寫比賽

主辦：台灣羅馬字協會、國立成功大學台灣語文測驗中心、台灣教會公報社

協辦：台越文化協會、李江却文教基金會、台文筆會、全民台語聖經學會

贊助：亞細亞國際傳播社

報名時間：Ùi chit-má 開始，到 4 月 30 截止。

比賽地點：國立成功大學文學院台文系館（暫定）

比賽時間：2019 年 5 月 18（拜六）下晡 1:30~5:00

報名組別：1.學生組：國小、國中學生 2.社會組：除國小、國中生以外 ê 人士

報名方式：[網路免費報名](#)

活動網站：<http://www.tlh.org.tw/>

活動專線：06-2096384，tlhpomia@gmail.com 台羅會秘書處

比賽方式：



主辦單位預錄 25 ê 雙音節語詞，逐 ê 語詞放送 3 擺；比賽者照聽--tiòh ê 語音寫出台語羅馬字。

（詳細比賽規則，請參閱網站。）

※確實報到時間 kap 比賽地點會 tī 行前通知公布，到時請參賽者會記得收 email。

獎勵方式：

**巴克禮賞**（第一名）：（社會組、學生組各取 1 名）

社會組禮券 3,000 元、賞狀 1 張；學生組禮券 1,500 元、賞狀 1 張

**甘為霖賞**（第二名）：（社會組、學生組各取 1 名）

社會組禮券 1,000 元、賞狀 1 張；學生組禮券 500 元、賞狀 1 張

**王育德賞**（第三名）：（社會組、學生組各取 1 名）

社會組禮券 500 元、賞狀 1 張；學生組禮券 200 元、賞狀 1 張

**教會公報賞**：精美禮物 1 份、賞狀 1 張（社會組、學生組各取 3 名）

**參加獎**：凡參賽者 lóng 送精美小禮物 1 份（頒獎結束了後領）

# 1<sup>st</sup> Tâi-gí Lô-má-jī Thia<sup>n</sup>-siá Pí-sài

## 2019 第 1 屆台語羅馬字聽寫比賽

### 注意事項

1. 報名 ê 時 tō ài 註明 beh 用白話字版，á-sī 教育部版。
2. 參賽者 ài chah 國民身分證 (Á-sī 效期內 ê 駕照／護照，學生組 chah 健保 IC 卡 á-sī 學生證) 正本辦理報到。
3. Bat 得 tiòh 本中心舉辦 ê 台語羅馬字聽寫比賽 ê 第 1 名--ê，3 冬內 bē-tàng koh 報名全組 ê 比賽。
4. 參賽者 ài chah 黑色 á-sī 藍色原子筆、修正帶 (液) 參加比賽，m̄-koh bē-sái chah 任何字典入場。
5. 參賽者無參賽證 á-sī 合格身分證件正本者，ài 先到報到服務處辦理補發參賽證 á-sī 補驗身分證件手續，nā 無，一律 bē-tàng 入場比賽。
6. 入場 ê 時，ài 出示參賽證、身分證件正本，按照座位號碼就座。入座了，請 sūi 檢查參賽證號碼 kap 座位號碼 kám 有一致。比賽進行當中，nā 發現坐 m̄-tiòh 位，ài sūi 離場，失去參賽資格。
7. 比賽一開始，參賽者 tiòh bē-tàng 入場。
8. 比賽 ê 時，bē-tàng chah 行動電話、呼叫器、計時器 kap 其他電子設備入座，nā 是比賽進行當中，hō 工作人員發現 chah 頂面所講 ê 物件，或者是 chiah-ê 物件發出任何聲音 (包含振動聲)，一律取消比賽資格。
9. 比賽 ê 時，bē-tàng tī 會場內底食物件 (包含橡奶糖)、食煙、擾亂比賽秩序 á-sī 影響別人作答，第 1 pái 違規口頭 á-sī 書面警告；若累計 2 pái 違規，ài sūi 離場。
10. 作答進前，請照工作人員 ê 指示，檢查答案紙頂頭 ê 參賽證號碼 kám 有正確、完整，nā 有錯誤，請 sūi 擲手請工作人員處理，避免影響作答權益。
11. 作答 ê 時，nā 有寫無清楚、答案修改 hú 無清氣，或者是答案紙 áu--tiòh、污損致使影響評分，責任家己負責。
12. 比賽時間到，工作人員收答案紙了，參賽者 ài 離開比賽會場。評分了，工作人員會請參賽者進入會場聽成績公佈。
13. 所有參賽者 lóng 會當得--tiòh 1 份禮物。若提早離開--ê，tō ài 放棄禮物。

### 比賽規則

1. 這個比賽分做學生組 kap 社會組，同齊比賽，分別計獎。
2. 這個比賽採取淘汰賽，各組欲取前 6 名來頒獎表揚。第一名「巴克禮賞」1 位；第二名「甘為霖賞」1 位；第三名「王育德賞」1 位；「教會公報賞」3 位。
3. 主辦單位會先錄 25 ê 雙音節語詞，每 1 個語詞會連續唸 3 遍。參賽者照聽--tiòh ê 語音，kā 羅馬字寫 tī 主辦單位所分 ê 答案紙指定 ê 答案欄內底。答案若是無寫 tī 答案欄內底一律無算分數。參賽者會使 tī 答案欄以外空白 ê 所在註記。
4. 題目 lóng-chóng 25 條，答 tiòh 1 條 tiòh 4 分，1 ê 音節 1 分，1 ê 聲調 1 分，聲調符號一定 ài 標 tī 母音。答 m̄-tiòh，á-sī 無回答 tiòh 0 分，以答 tiòh 分數 koân 低來排名次。
5. 第 1 輪成績採用單次 ê 分數來排名，若無法度分出名次，ài koh 進行第 2 輪比賽。第 2 輪比賽 ê 語詞放送時間會較短，成績採用累計加總分數來排名，若 koh 有全分 ê 情形，ài 繼續第 3 輪 ê 比賽，第 3 輪比賽 ê 語詞 kan-ta 放送 1 遍。若是第 3 輪比賽了 koh 有全分 ê 情形，tō 由全分--ê 抽 khau-á 來分出名次。
6. Nā 有本規則無列--tiòh ê 情形，由主辦單位當場裁決處理。